



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. XXII. Ludovicus Picus De Mirandula.

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)

No. XXII.

LUDOVICUS PICUS DE MIRANDULA.

Ludovicus titulo S. Sylvести in Capite Cardinalis Picus de Mirandula natus est An. 1668. Ex principe Ducum Mirandulanorum familiâ, quam ex se compluribus præclaram sœculis, ipse novo veluti sydere ad cœlum Mirandulanum addito, orbi magis spectabilem reddidit. Et quis non Principes Mirandulanos orbis Mira-bilia nuncupet? Si historiarum fastos pervolvamus, originem statim mirabilem, & portentosam Serenissimæ hujus familiæ reperiemus. Constantini Magni ex filio Constantio neptem, quam Euridem vocârunt, Manfredo Aulico innupsisse ajunt. Utrumque in Italiam delatum, Mirandulano Principatui initium dedisse; Nam in eo loco, ubi nunc urbs Mirandula conspicitur, sede exstructa, Eurides Puerpera tri-nos eodem partu Masculos, Constantini nepotes progenuit, quos Picum, Pium, & Papazum cognomiinatos constat; videlicet dociles cum Picis, Pios clarâ nominis significatione, & Papazos, seu Patres Patriæ in posteris futuros. Sub Imperatore Henrico VII. Lucemburgico majoribus incrementis invaluerat stirps jamdum ab origine clarissima; nam Franciscus Picus apud eum Imperatorem tantâ gratiâ valebat, ut per ejus absentiam Imperatorius per Italiam Vicarius, vir belli & pacis artium scitissimus, An. 1312. declararetur. Sed summa fortuna maximo viro invidiam peperit; nam Rimaldus Bassarinus, Montis ferrati Comes, ex Bonacossis oriundus, qui suam originem ad Palæologos Constantinopolitanos Imperatores referebat, invidiæ livore in transversum actus, eam Constantini Magni progeniem, ceu pro Constantinopoleos mœnibus pugnaretur, cruento bello appetebat; cui tam tristis catastrophæ finem imposuerat, ut Franciscus Picus cum filiis captus inediâ in carcere interi- ret; & ne unquam Picorum nomen resuscitaretur, hostium furor urbem Mirandulanam penitus everterat; sed debita vindicta statim sceleris authores secuta erat; nam à Nicolao Pico, Francisci filio, quem fors reliquum fecerat, devicti Bonnacos- si, eodem supplicii genere, cuius ipsi exemplum fecerant, enecabantur. Inde urbs Mirandulana reædificata, nullo tamen mœnium ambitu tunc equidem incincta. Post eum Joannes Picus, sub Sigismundo Imperatore, florere opibus cœpit; eidem eti- am Imperatori tam acceptus, ut nonmodo Concordia Comes An. 1414. ab eo di- ceretur, verum etiam vicario nomine præfesse Italiæ, velut avitâ dignitate juberetur. Eius Filius Joannes Franciscus Picus, bellicâ laude præclarus, Principum Mirandulanorum nomen latius propagavit; & ut sibi ab exterorum vi tutum munimentum compararet, nova urbi Mirandulanæ munimenta circumdedit. Galleottus Picus ab eo progenitus, diversis à patre studiis abibat; nam cùm ille præter Martis classica vix alium unquam sonum auribus haussisset, hic libris perpetuo affixus, soli Palladi operabatur, ob incomparabilem doctrinam sœculi sui Phoenix dictus: plane si Joannem Franciscum Picum Romulum infesta feliciter arma tractantem dicere velimus, hunc Galeottum Numam Popilium dicamus oportet, qui insuper habito armorum strepitu, in pacis studia unicè incubuit. Filium reliquerat Joannem Franciscum Picum, sui simillimum; qui sapientiæ prodigium niemini non visus, linquam Græcam, & quas penè integer Oriens eloquitur, apprimè callebat. Verum cùm literis, ceu suo olim Prometheus Caucaso, perpetuò affixus hæreret, armorum strepitum, contra se excitatum, non admodum adverterat; juxta suam videlicet decem-pedam cunctos dimensus, fidem ab omnibus exspectabat, quam pauci reddebant. Hinc invidorum malis artibus obsessus, cum suâ Pallade exulare jussus est. Ea videlicet modò vivimus tempora, ut Saturno è suo Latio cum aureâ sua ætate expulso, nisi ferrum impigrè stringas, ætate hac ferreâ, parvum scientiarum auro efficias; nec tamen omnino protritum jacuit hoc scientiarum gemma; Nam Ju- lius

lius II. Pontifex Maximus & Maximilianus I. Romanorum Imperator, jacentem hanc virtutem reveriti, armis sociatis in solium reposuerunt; verum cum ille sui securus, ad avitam unam sedem & literas revertitur, hostes non minus ad inimicas machinas & dolos revertuntur: Hinc Anno 1533. inimicorum manipulus noctu clam in urbem irrepserat; quorum tumultu excitatus Princeps Optimus, in templum confugit: ibi Crucifixi Imaginem arcte complexus, ab immisis Siccariis, Religione loci neutquam retardatis, obtruncatus erat, filii ejus Alberto & Paulo eodem supplicii genere finientibus. Inlytam stirpem pene intercasam resuscitabat Ludovicus II. Picus, quem Bellica laude præclarum, Primum Concordiae Marchionem Maximilianus II. dicebat, paternâ culpâ Galeotti II. qui cædis in Joannem Franciscum author extiterat, claritudine filii penitus expiatâ. Fredericus Picus ejus Ludovici filius, Principis titulum primus omnium in ditio- nem Mirandulanam intulit, qui Rudolpho II. tantum in amoribus erat, quantum vix ullus alias. Cum improles decederet, Principatus ad Alexandrum Picum ejus fratrem jure successionis devolvebatur. Eum Ferdinandus II. primum Mirandulanorum Ducem Anno 1619. creabat; Et inde Ducatus Mirandulanus ex parvis initiis (si quidem parum sit, Constantini Magni Progeniem esse) ad sum- mum apicem accrebit. Alexandro I. Pico, Alexander II. Magnus Magno suc- cesserat; Alexandri II. proles Mascula Franciscus Picus erat, ex Anna Beatrice Estensi Principissâ procœtatus. Huic Francisco Pico, ne stirps Mascula Picorum omnino intermoreretur, filius obtigit Franciscus Maria, natus Anno 1688. ma- tre Anna Camillâ principissâ Borghesiâ. Hoc necdum trienni, satis concedebat Franciscus Pater; Hinc Magna ejus Amita Brigitta, dum impuber adolesceret, rerum summâ potiebatur. Interim gravissimum in Italiam bellum, quod pro His-panicâ Monarchia obtainendâ, Maximi Europæ Principes summâ armorum collisione, gerebant, enascebatur. Mox in Ducatum Mirandulanum Galli, Tu- trice Brigitâ in sua verba coactâ, irruperant. Verum Gallorum pertæsa, Ger- manis advocatis, Gallos ejecerat, utpote quos nunquam bono animo admisif- set. Postea Franciscus Maria rerum Potitus, Gallis propior videbatur; quos per integrum Insubriam victoria arma circumferentes, pene admitti oportebat. Suboluerat ea Machinatio Cæsareanis, qui eò intentiore curâ pro Mirandulanis mœnibus stabant. Verum Gallorum viribus per Italiam in imensum auctis, Cæsarei, omnibus maximorum herorum muniis ritè obitis, Mirandulanam ur- bem A. 1705. II. Aprilis hostibus cedebant, quibus ejus oppugnatio urbis per complures menses multo sanguine stiterat. Postea Taurinensis clades fulminis in- star Gallorum per Italiam res prostraverat; quo quidem proelio Eugenius, Ger- mani fulmen Jovis, plus unâ die effecisse videbatur, quam per complures annos confici posse, spes hominum vel maxima præceperat. Galli penitus, ea in re- gione debellati, lucri instar reputabant, quod honorifico abfcessu, à Germanis facilè indulto, Italiam desererent. Inde una dies Ducatus Mediolanensem, Pe- demontiacum, Montisferrati, Mantuanum, Mirandulanum &c. &c. è Gallorum manibus ereptos, victoribus transcripserat. Nec tamen suo juri repetundo, Mirandulanus deerat; sed missò ad Pacem ultrajectinam legato, vindicias age- bat. Etenim cum ille partes Hispani Regis aperto affectu securus esset, Mars Germanus hunc Ducatum sibi vindicabat; quem Mutinensem Dux, intemera- tæ in Imperatorem fidei centum & septuaginta pistoletorum millibus redeme- rat. Nec tamen in Pace Ultrajectinâ quicquam, præter promissa, quibus læsis qualitercumque fieret satis, imperatum est. Hinc in Pace Badensi Actio Repe- tundarum iterato instituta, auctore Doliolo; Neque tamen is præter verba, ali- quid tunc quidem retulerat. Interim Franciscus Maria Picus in Aula Madri- tensi degit, fidelissimus Regis Minister, & qui spem tunc quidem frustratam, a- liunde

liunde sollicitat. Planè spes magna affulget, pacis foederibus inter Maximos Europæ Principes Carolum VI. Romanorum Imperatorem & Philippum V. Hispaniarum Regem modò initis, ad sua perventuros, quicunque sua, ut sua, assurerint. Sed ad Eminentissimum Purpuratum nostrum Ludovicum Picum Mirandulanum, sermo redeat, necesse est. Is majorum suorum decora referens, à Clemente XI. cuius affixus amoribus unicè hærebat, anno 1712. die vigesimâ octavâ mensis Maji, Sacro Purpuratorum Collegio annumerabatur; cui dignitati capacissimum spiritum, & quibusvis consilis sive ineundis, sive expediendis æquè promptum ac parem afferebat. Episcopatum etiam Sinigagliae in Urbinatum Ducatu obtinuit, ut providam solliciti Pastoris vigilantiam, circumspectissimæ mentis sapientiæ adjungeret. An. 1722. Ad Urbinate Legatus ab Innocentio XIII. missus est, quam sacram Præturam ita administravit, & hodieum administrat, ut felicitatem unà secum intulisse videatur; adeo populo promptus, Nobilitati blandus, & Sacro Clero religiosus existit. In eo etiam magnopere admirandus est Eminentissimus Purpuratus, quod acerbos casus, quos fortuna haud paucos tulit, infractâ animi patientiâ pertulerit. Sic cùm princeps Cellamare, cui Mater sua Anna Camilla Borghesia extinto Franciso Pico innupserat, in urbe Gaetana, adversam fortunam nactus, An. 1707. in manus Cæsareanorum incidisset, ipse ceu animo liber, ejus captivitati ita indoluit, ne tamen de sua Magnanimitate minimum sibi decederet. Joanni Pico amantissimo Fratri, ardentissima febri in urbe Bonnonensi An. 1710. extincto, dolore non nisi virili parentavit. Francisci Mariæ Pici infortunium, cùm Mirandulano Principatu belli injuriâ excideret, isque ad Ducem Mutinensem, devolveretur, ita tulit, ut coeli destinationi, & futuris temporibus cuncta permitteret. Prædictus Franciscus Maria Picus modò in aula Madriddensi, Regis gratiâ præpollens vivit, quem fortuna, non uno infortunio satiata, bis infelicem reddidit. Quippe An. 1723. 14. Jun. subito coorta tempestas, vehementem procellam exciebat; unde aucti amnes, transensis ripis, præsentem omnibus mortem intentabant. Erat tunc Maria Theresia Philippi Spinolæ Duci sancti Severini filia, eadémque Francisci Mariæ Pici conjux lectissima, ac omnium virtutum splendore longè illustrissima, in amoenissimo horto Comitis de Ognate, quem tenuis rivulus præterfluebat, postea in imensum auctus. Eodem magna pars nobilitatis, ex aestivis caloribus se refocillatura, convenerat, nescia, quā tristis vesper serenam lucem exceptura esset; nam auctæ momento citius aquæ, mortis horrorem omnibus incutiebant; multis elapsis, non paucos submersos Hispania ingemuit, qui seriùs tempestatem, tam subito impendentem, declinabant. Eos inter Maria Theresia fuerat, quæ in superius facillum ascendens, inter ardentissimas preces, & Crucifixum complexa, supereminentibus undis misserandum in modum suffocata est. Hos aliósque adversos familiæ Casus Eminentissimus noster Purpuratus eā, quæ Christianum Principem decet, magnanimitate tulit, certâ spe veluti præcepta, suæ domui iterum fortunam, non nisi in sua mobilitate constantem, reflorituram. Sic à Francisco Pico amissum principatum, Nicolaus filius recepit. Sic Joannem Franciscum Picum expulsum Maximilianus I. restituit. Sic Mirandulanus Ducatus iterum pene amissus, à Maximiliano II. Ludovico Pico firmatus est. Ceterum Eminentissimus noster Purpuratus suis in insignibus præfert Aquilam; nam soli cœlo affixus, altum volat: Gruem; nam suīa vigilantia Pastorem ovium agit: Latrunculorum ludum, fortunam ludens ipsem quilibet: demum coronatum Leonem; nam fortissimus unā & vigilantissimus pro Sacrâ Republicâ Leo, coronam in cœlis meretur immarcescibilem.